

1 rbbi waḥdut ad-dar-siggilġ asunfu,
dars a-ġ-ttafġ laman.

2 rbbi waḥdut a-igan ajarif-inu
ig lbrj ig antal-inu,
ur-sar-mmussiġ.

3 ar managu a-ra-tirim a-ttak^wlm f-bnadm,
tirim a-yyi-tssd^rm zund aġ^wrab ik^wnan,
zund tabya ihrmn?

4 ar-kn-itejjab a-taddr^m tikrkas,
tskr^m f-a-yyi-di-tgr^m zġ-tarigt-inu.
da-takkam tamimt s-ils
imma ul iemmr s-wasmmum.

5 rbbi waḥdut ad-dar-siggilġ asunfu,
d-nttan a-ġ-n-giġ rja.

6 rbbi waḥdut a-igan ajarif-inu
ig lbrj ig antal-inu,
ur-sar-asusġ.

7 rbbi waḥdut a-ra-yyi-issbidd ġ-laman,

d-nttan a-ra-issattuy ism-inu,
ig ajarif izgan ig azwag-inu.

8 way-aytma tiqat ġ-rbbi kraygatt tasaet,
tinim-as f-kullu ma-issġufun ul-nnun,
nttan a-ġ-a-ntzawag.

9 hati amzluḍ zund tunfust a-izray,
imma bu-wayda tawargit ka-iga.
ntni s-sin hatin fsusn f-yat-tunfust,
ar-srsn-yaqlay lmizan.

10 a-ur-tbnnun s-ma-di-tkkism s-ifaddn,
ula-da-ttawim rrja s-ma-di-tuk^wrm.
iġ-d-yuška lħir iggutn a-ur-fllas-tskrm.

11 hati yat-twal isawl sidi rbbi,
tis snat-twal sfdġ-as inna,
nttan a-bdda-iḥkamn ġ-kullu ma-illan.

12 d-nttan ad-aġ-iran s-lħnant-ns izgan,
d-nttan a-iḥllaṣn i-kraygatt yan f-ma-iskr.